

Хө киргългънә кӧдлмшиг үлгүр болдгар кӱцәхмн

Алдр Октябрьск социалистическ революцин 40-ч джилин бӧниг агъу ик диилврмүдтәгъяр тосхин төлә, Хальмг танъгъчин хӧӧчнр социалистическ дӧрлдәг бӧргәр кедж, ик сән кӱцлмүдтә йовцхана.

Колхозмудар хӧн болгънас 5,5 килограмм болн совхозмудар—6 килограмм ноос киргъдж авх даалгъврац чинртә сәәнәр кӱцәхин кергт Хальмг танъгъчин цуг хӧӧчнр шунмгъа кевәр кӧдлдж йовцхана. Ӱлгүрнӱ, Яшалтинск района, „Сталин“, „Заветы Ильича“—колхозмудин хӧӧчнр, 105 номертә совхозин болн нань чигн колхозмудин, совхозмудин хӧӧчнр, МТС-н механизатормуд цуг электромашисәр киргългънә агрегатсиг ясдж, хӧ киргъх чадмг-чидмг әмтсән, ноос сән муугъинь йилгългънә классировщикмүдән болн наадк кергтә хамгинь белддж авсн бәәцхәнә.

Болв зуг, зәрм районс хӧ киргългънә кӧдлмшт йир муугъяр белдвр кецхәдж. Ӱлгүрнӱ, Сарпинск, Яшкульск, Западн, Целинн райодс болн Элст балгсъна колхозмуд ик хашнъгар белдвр кедж, хӧ киргъх хамг зер-зевсән ода кӱртл ясдж авад уга. Иим йовдл ик хаджгър болн әмтнд кергтә йовдл биш гидж санх кергтә. Сарпинск района колхозхмудт хӧ киргъх 432 әмтн кергтә, ода деерән нег чигн кӱн белн биш. Колхозмудар ноос шӱүддж хәләх 19-20 классировщикүд кергтә, теднәснӱ зуг арвхн кӱ олдж авч. Хӧ киргъх гермүд бас белн болад уга.

Хальмг танъгъчин цуг партийн, советск болн комсомольск организацс эн кӧдлмшт шунмгъагъяр орлцдж, колхозмудт, совхозмудт болн МТС-т сән дӧнӱ селвгән бӧгч, хӧ киргългънә кӧдлмшиг цаглань кедж, государствд сән, цевр торгън ноос орулдж бӧгх—эркн мана керг гидж санх кергтә.

О. ЯШКИЛЕВ.